

SCRIPTA

Numéro Scripta : 4538

Auteur(s) : Étienne de « Chacegue », fils d'Alain [particulier]

Bénéficiaire(s) : Poilley, Notre-Dame de Montmorel (abbaye, abbé)

Genre d'acte : charte

Authenticité : non suspect

Datation : 1238

Action juridique : donation

Langue du texte : latin

Analyse

Étienne de « Chacegue », fils d'Alain « Chacegue », chevalier, donne à l'abbaye et aux chanoines de Montmorel les rentes annuelles qu'il possédait de Thomas Cope et de son fils Jean à Montmorel. Il donne également la rente annuelle qu'il possédait de l'abbé Richard en échange d'une terre sise à Saint-Aubin-de-Terregatte que sa mère avait donnée à ladite abbaye.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Mont-Morel, n° CCXVII, p. 213-214.

Texte établi d'après a

Notum sit omnibus tam presentibus quam futuris quod ego Stephanus de Chacegue, filius Alani de Chacegue, militis, cum assensu Johannis et Hamelini, fratrum meorum, dedi et concessi, pro salute anime mee et antecessorum meorum, Deo et abbacie Montis Morelli et canonicis ibidem Deo servientibus, tres solidos Cenomonensium annui redditus ad festum Sancti Remigii et duas gallinas ad Nathale Domini quos habebam cum Thoma Cope apud Montem Morelli, sitos in terra que est inter cheminum et terram que fuit olim Guillelmi Hervei, tenendos et habendos in puram et perpetuam elemosinam dictis canonicis libere, pacifice et quiete, absque ulla reclamazione mei vel heredum meorum. Preterea ego dictus Stephanus dedi in puram et perpetuam elemosinam dictis abbati et canonicis quindecim Cenomonenses annui redditus quos habebam cum Johanne filio predicti Thome Cope, de terra quam dictus Johannes tenebat de me apud Montem Morelli. Dedi etiam ego sepredictus Stephanus predictis abbati et canonicis quindecim Cenomonenses annui redditus quos habebam cum Ricardo dicto Abbate apud Montem Morelli sitos pro excambione dimidie acre terre site in parrochia de Sancto Albino de Terra Vasta, quam Lejardis, mater mea, eisdem abbati et canonicis, pro salute anime sue, dederat. Pro hiis vero elemosinis dicti abbas et canonici caritative sexaginta solidos Turonensium, ex una parte, et viginti quinque solidos Turonensium, ex altera, michi dederunt. Hec omnia supradicta ego sepredictus Stephanus et heredes mei dictis abbati et canonicis in puram elemosinam bona fide garantizare tenemur, et, si garantizare non poterimus, alibi in hereditate nostra propinquiori ad valorem legitimum tenemur excambiare. Quod ut ratum et stabile habeatur in posterum, presentem cartam sigilli mei munimine roboravi. Datum anno Domini M° CC° XXX° VIII°.